

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

“Коми Республикаын кар стрöитан удж юкöнын өткымын юалöм йылысь” Коми Республикаса Оланпасö вежсьöмьяс пыртöм йылысь

Примитöма Коми Республикаса

Каналан Сöветөн

2023 вося лöддза-номья тöлысь 21 лунö

1 статья. Пыртны “Коми Республикаын кар стрöитан удж юкöнын өткымын юалöм йылысь” Коми Республикаса Оланпасö (Коми Республикаса канму власьт органьяслөн индöд-тшöктöмьяс, 2007, 8 №, 4939 ст.; 2008, 2 №, 16 ст.; 2009, 41 №, 769 ст.; 2010, 44 №, 1029 ст.; 2011, 23 №, 599 ст.; 47 №, 1340 ст.; 2012, 34 №, 779 ст.; 51 №, 1167 ст.; 2013, 11 №, 221 ст.; 41 №, 795 ст.; 2014, 13 №, 218 ст.; 2015, 12 №, 160 ст.; 2016, 10 №, 106 ст.; 17 №, 229 ст.; 2017, 5 №, 86 ст.; 24 №, 419 ст.; 2018, 10 №, 175 ст.; 19 №, 357 ст.; 2019, 11 №, 150 ст.; 2020, 4 №, 33 ст.; 18 №, 299 ст.; 22 №, 361 ст.; 2021, 7 №, 137 ст.; 17 №, 300 ст.; 22 №, 396 ст.; 2022, 7 №, 79 ст.; 13 №, 194 ст.) татшöм вежсьöмьяс:

1. 2 статьяса 2 пункт гижны тадзи:

“2) Россия Федерацияса Оланподулөн, федеральной оланпасьясөн, Коми Республикаса Оланподулөн да Коми Республикаса оланпасьясөн урчитöм мукöд уджмог.”.

2. 6 статьяын 3 юкөнса 1 пунктлөн “е” пунктулын “гуалöм” кыв вежны “меститöм” кывйён.

3. 7 статьяын 3 юкөнса 1 пунктлөн “в” пунктулын “гуалöм” кыв вежны “меститöм” кывйён.

4. 7¹ статьяын:

1) 1 юкӧнын:

а) 1 пункт гижны тадзи:

“1) транспорт объектъяс да автомашина туйяс (кӧрт туй вокзал, пассажирьяслы кӧрт туйса сувтланін, абу ӧтув вӧдитчан кӧрт туй, аэропорт да (либӧ) дінму тӧдчанлуна аэродром, вертодром, ӧзын (пристань, юывивса порт дорысь бокин ӧзын стеньяс), дінму либӧ муниципалитеткостса тӧдчанлуна ӧтув вӧдитчан автомашина туй, биарупровод-отвод да биару юклан станция, кутшӧмьяс меститчӧны сӧмын Коми Республика мутасын да кутшӧмьясӧс урчитӧма оланін да коммунальнӧй овмӧс, промышленнӧй да мукӧд организация биаруӧн могмӧдан дінмуса вынсьӧдӧм уджтасӧн, кутшӧмьяс колӧны 0,005-ысь унджык 1,2 МПа-ӧдз бӧрьясӧ пыртӧмӧн природнӧй да кизьӧртӧм углеводороднӧй биару нуӧм-вайӧм вылӧ);”;

б) 3 – 5 пунктъяс гижны тадзи:

“3) велӧдан объектъяс (шӧр тшупӧда уджсикасӧ велӧдан организациялӧн (уджсикасӧ велӧдан училище, техникум, колледж) зданиеяс комплекс (велӧдан, велӧдан-производственнӧй тӧдчанлуна), общеобразовательнӧй организациялӧн зданиеяс комплекс, кодлӧн эм интернат);

4) йӧзлысь дзоньвидзалун видзан объектъяс (больничалӧн здание (сы лыдын: челядьлы, регыдья медицина отсӧг сетан, специализируйтӧм (сы лыдын медицина отсӧг сетан профиль серти), участкӧвӧй больнича), кага чужтан керка; торья контингентлы медицина отсӧг сетан медицина организациялӧн здание (госпиталь, медико-санитарнӧй юкӧн, медицина отряд, сы лыдын торья мога (военнӧй кытшлӧн, флотлӧн); поликлиникалӧн (сы лыдын челядьлы), йӧзкотырлысь дзоньвидзалун видзан шӧринлӧн, амбулаториялӧн (сы лыдын врачевнӧй), аньяслы консультациялӧн здание; шӧринлӧн здание (сы лыдын: челядьлы, специализируйтӧм (кытчӧ пырӧны: отсалан репродуктивнӧй технологияяс, перинатальнӧй, радиация улӧ веськалӧм йӧзлы отсалан, СПИД шӧрин);

регыдья медицина отсөг сетан да вир босьтан медицина организациялөн здание; стационара диспансерлөн здание; фельдшер-акушер пунктлөн здание (сы лыдын врачлы олём вылө жырьясөн); челядь керка (сы лыдын специализируйтём, интернат, хоспис); бюрөлөн здание: ёрд да медицина боксянь экспертиза, медицина статистика; неминучаё веськаломалы медицина отсөг сетан шөринлөн здание; лабораториялөн здание (сы лыдын клинко-диагностическёй, бактериологическёй, туберкулёз диагностируйтём серти); юөр чукёртан-доньялан медицина шөринлөн здание; медицина картор);

5) вынйөр сөвмөдан да спорт объектяс (1500 да унджык места вылө трибунаяса стадион, йи арена, 3000 кв. м ыджыдджык отувья площадь вочём йиа каток, аквапарк, 3000 кв. м ыджыдджык отувья площадь варччанін, 1500 да унджык места вылө специализируйтём спорт комплекс (тенниснёй шөрин, гөраясын лызьён ислалан шөрин, вөвьясөн ордйысьны велөдан шөрин, ипподром, паруснёй шөрин, трек);”;

в) б¹ пункт гижны тадзи:

“б¹) энергетика объектяс (электропередача линияяс (сынөдса да кабельнёй), кутшөмьяслөн напряжение серти проектөн урчитём классыс лоө 110 (150) кВ, Россия Федерацияса мудор вуджысь электропередача линияяс кындзи, кутшөмьяс могмөдоны Россия Федерацияса быдсикас субъектлөн энергетическёй системаяслысь йитчөмсө да откодъ уджсө да кутшөмьясөс уджысь петкөдомыс оз вайөд напряжениелөн ыджыдджык класса везьяс серти электричество энергиялысь (вынйөрлысь) переток технологическёя дзескөдомьяс дорө, подстанцияяс, кутшөмьяслөн напряжение серти проектөн урчитём классыс лоө 110 (150) кВ, электропередача линияяс (сынөдса да кабельнёй), кутшөмьяслөн напряжение серти проектөн урчитём классыс лоө 35 кВ, подстанцияяс, кутшөмьяслөн напряжение серти проектөн урчитём классыс лоө 35 кВ);”;

г) б² пункт киритны;

д) 7 пункт гижны тадзи:

“7) ветеринарнӧй объектъяс (пемӧсьяслӧн висьӧмъяскӧд водзсасьӧм серти карса станция, ветеринарнӧй лаборатория, ветеринарнӧй пункт, ветеринарнӧй лечебница);”;

е) содтыны татшӧм сюрӧса 8 – 11 пунктъяс:

“8) промышленность объектъяс (мупытшса озырлунлӧн куйлӧд, мусир да биару перьян комплекслӧн предприятие, шахта, горно-химическӧй комплекс, вӧр переработайтан комплекс, комбинат, стрӧитчан материалъяс вӧчӧм серти предприятие);

9) культура объектъяс (театр, филармония, национальнӧй библиотека, национальнӧй галерея, музей);

10) социальнӧя дорьян юкӧнын объектъяс (олӧма йӧзлы да вермытӧмьяслы керка-интернат, дзоньвидзалунын дзескӧдӧм позянлуньяса йӧзӧс реабилитируйтан шӧрин);

11) дӧнму тӧдчанлуна объектъяслӧн мукӧд сикас, кутшӧмьяс колӧны Коми Республикалӧн веськӧдлӧм улӧ пыртӧм юалӧмьяс серти уджмогьяс збыльмӧдӧм вылӧ.”;

2) 2 юкӧнын:

а) 1 – 5 пунктъяс гижны тадзи:

“1) транспорт объектъяс да автомашина туйяс (меставывса тӧдчанлуна автомашина туйяс, трубопроводнӧй транспорт (объектъяс, кутшӧмьяс колӧны олысьясӧс шоныдӧн да ваӧн могмӧдӧм вылӧ, муниципальнӧй районлӧн мудорьясын ва нуӧдӧм вылӧ, биару проводьяс, кутшӧмьяс колӧны 0,005 МПа-ӧдз бӧрьясӧ пыртӧмӧн уджалан давлениеа природнӧй да кизьӧртӧм углеводороднӧй биару нуӧм-вайӧм вылӧ);

2) энергетика объектъяс (электропередача линияяс (сынӧдса да кабельнӧй), кутшӧмьяслӧн напряжение серти проектӧн урчитӧм классыс лоӧ 0,4 – 6 (10) – 20 кВ, подстанцияяс, кутшӧмьяслӧн напряжение серти проектӧн урчитӧм классыс лоӧ 0,4 – 6 (10) – 20 кВ);

3) вынӧр сӧвмӧдан да уна йӧза спорт объектъяс (спорт зал, сылыдын ӧтув вӧдитчан, вынӧр сӧвмӧдан да дзоньвидзалун бурмӧдан

занятиеяс вылө жырьяс, 3000 кв. м этшаджык өтувья площадья өтув вөдитчан варччанін, 3000 кв. м этшаджык өтувья площадья спортивно-зрелищной сооружениеяс, сы лыдын вөчөм йиа, 3000 кв. м ыджыдджык өтувья площадья вынйөр сөвмөдан да дзоньвидзалун бурмөдан комплекс (ФОК);

4) велөдан объектьяс (школалөн, лицейлөн, гимназиялөн здание, зданиеяс комплекс);

5) йөзлысь дзоньвидзалун видзан объектьяс (йөв кухняса здание, сестринской дөзьөр керка (больничка));”;

б) 6 пунктын “туалөм” кыв вежны “меститөм” кывйөн;

3) 3 юкөннын:

а) 1 – 5 пунктьяс гижны тадзи:

“1) транспорт объектьяс да автомашина туйяс (меставывса төдчанлуна автомашина туйяс, трубопроводной транспорт (объектьяс, кутшөмьяс колөны олысьясөс шоныдөн да ваөн могмөдөм вылө, овмөдчөминлөн (кар кытшлөн) мудорьясын ва нуөдөм вылө, биару проводьяс, кутшөмьяс колөны 0,005 МПа-өдз бөрьясө пыртөмөн уджалан давлениеа природной да кизьөртөм углеводородной биару нуөм-вайөм вылө);

2) энергетика объектьяс (электропередача линияяс (сынөдса да кабельной), кутшөмьяслөн напряжение серти проектөн урчитөм классыс лоө 0,4 – 6 (10) – 20 кВ, подстанцияяс, кутшөмьяслөн напряжение серти проектөн урчитөм классыс лоө 0,4 – 6 (10) – 20 кВ);

3) вынйөр сөвмөдан да уна йөза спорт объектьяс (спорт зал, сы лыдын өтув вөдитчан, вынйөр сөвмөдан да дзоньвидзалун бурмөдан занятиеяс вылө жыр, 3000 кв. м этшаджык өтувья площадья өтув вөдитчан варччанін, 3000 кв. м этшаджык өтувья площадья спортивно-зрелищной сооружение, сы лыдын вөчөм йиа, 3000 кв. м ыджыдджык өтувья площадья вынйөр сөвмөдан да дзоньвидзалун бурмөдан комплекс (ФОК);

4) велöдан объектъяс (школалöн, лицейлöн, гимназиялöн здание, зданиеяс комплекс);

5) йöзлысь дзоньвидзалун видзан объектъяс (йöв кухняса здание, сестринскöй дöзьöр керка (больничка));”;

б) 6 пунктын “гуалöм” кыв вежны “меститöм” кывйöн.

5. Содтыны татшöм сюрöса 11² статья:

**“11² статья. Овмöдчöминлöн, кар кытшлöн
мутас планируйтан да юклöмöн
кар стрöитан öтувья документ**

Овмöдчöминлысь, кар кытшлысь мутас планируйтан да юклöмöн кар стрöитан öтувья документсö, сыö вежсьöмьяссö вынсьöдöны Коми Республикаын муниципальнöй юкөнъяслöн меставывса администрацияс Россия Федерацияса кар стрöитан кодекслöн 28¹ статьяөн урчитöм пöрадокын.”.

6. 13 статьяса 15 юкөнлöн медводдза абзацын “кызь” кыв вежны “дас вит” кывьясöн.

2 статья. Тайö Оланпасыс вынсялö сйöс официальнойя йöзöдан лунсянь.

Коми Республикаса Юралысь

В.В. Уйба

Сыктывкар

2023 вося лöддза-номья тöлысь 30 лун

53-РЗ №